

BRINKMAN NO TA PUNTRA UNDA INVERSIONNAN MULTINACIONAL HULANDES PA ARUBA A KEDA

ORANJESTAD (AAN) : Elco Brinkman, lider di e delegacion Hulandes pa e conferencia Tripartiete, a comenta tocante e influencia Mericano ariba nos isla. Segun Brinkman, e influencia Mericano ariba Aruba ta visto, y especialmente den e sector turistico.

Brinkman ta comenta cu, e turistanan Mericano ta e grupo mas grandi cu ta bishita nos isla, y cu e turista Mericano ta hopi exigente.

E exigencianan di e turista Mericano, ta pone cu Aruba mester inverti hopi, pa cumpli cu e deseonan di e Mericanonan.

Educacion y e calidad di servicio, pa loke ta trata e sector turistico, mester tin un nivel basta halto pa cumpli cu e deseonan di e turistanan cu ta bishita nos isla.

E turistanan Mericano, a pone cu Aruba a sa di lanta su nivel di servicio den e sector turistico, na un nivel internacionalmente reconocidos.

No ta e sector turistico so a pone cu Aruba su hendenan a sa di profesionalisa nan mes, den e sector petrolero Arubananan tambe, a siña pa traha na un nivel internacionalmente renombrado.

Tur esakinan tabata posibel door cu e Arubano mes a mira e necesidad, pa percura pa e ta bon educa, pa asina nos no mester a keda

BAZAAR DI PCVB

ORANJESTAD (AAN) Mañan ta dia grandi di Bazaar di Protestantse Christen Vrouwenbond pa recauda fondo pa e proyecto "Bejaardenzorg".

E bazaar lo ta na Kerki Protestant den koffiezaal for di 8 or mainta pa 2 or merdia y llo tin benta di cuminda, bolo, mata, articulonnan pa cas, paña nobo pa grandi y chiquito y hopi mas.

PCVB ta spera cu lo ricibi mañan un asistencia grandi di interesadonan pa yuda den e evento anual aki di recauda fondo.

**NUMBER DI FAX
DI DIARIO
28551**

dependiente di Hulanda.

Mester worde bisa si cu Hulanda a yuda cu fondonan den e sector di enseñanza, y cu hopi yuinan di tera por a studia na Hulanda, pero nos no a haya tur cos por nada.

Awendia tin diferente Arubano ta traha na varios pais, den e sector hotelero y petrolero, y esaki pa e gran parti, danki na nos propio esfuerzonan.

Unda e inversionnan di multinacionalnan Hulandes pa Aruba a keda?

Rond mundo bo ta haya companianan Hulandes invertiendo hopi placa den e.o fabricanan, pa nombra uno : Philips tin rond mundo diferente fabrica, unda Philips Aruba a keda?

KLM ta ganando un dineral cu su monopolio, di vuelonan for di Amsterdam pa Aruba y Antiyas y asina cubri gastonan pa e otro lineanan pa America Latina. Ta e Arubananan cu a bai studia na Hulanda y esnan cu a bai biba na Hulanda, a sa di promove nan pais, no

ta asina cu e gobierno Hulandes a haci esfuerzonan grandi pa propaganda e turismo di Aruba na Hulanda y Europa.

Aruba mes, mester a inverti hopi placa den nos sector turistico, pa asina awe nos por ta bon para, cu un industria di turismo.

Ora Brinkman ta papia cu nos mester diversifica nos economia, e no mester lubida cu pa añanan largo Hulanda no a haci mucho cos pa yuda Aruba diversifica su economia.

Ora LAGO a lanta su bela bai, ta di con Hulanda no a duna apoyo pa laga Nederlandse Aardolie Maatschappij sigi cu e refineria? E compania di telefoon di Hulanda PTT, a inverti no mucho tempo pasa, basta placa na Rusia, dicon no na Aruba?

Te ainda Hulanda no por wak cu Aruba awe, por ta un centro di telecomunicacion? Aruba por ta awe, e "Poort naar Zuid-America pa Europa y vice versa"

Hulanda no a duna em-

puhe na companianan Hulandes pa nan establece nan mes na Aruba.

Al contrario, e gobierno Hulandes tabata tin miedo cu e companianan Hulandes lo a bin establece nan mes ariba nos isla, pa asina Hulanda no perde entrada di placa di belasting.

Pasobra te ainda Hulanda ta busca moda pa bula e.o. cabez di e industria di offshore.

Den e ramo di Technische Bijstand, Aruba a haya su mes ta gasta un dineral pa hopi aña caba y no mucho cos di gaba a sali for di e bijstand aki.

Den e Cuerpo Policial e bijstand a cuasa mas desunion cu e la yuda drecha e Cuerpo.

Technische Bijstand pa haci Aruba mas dependiente di Hulanda no ta combinanos.

Hopi di esnan cu a bin pa duna Technische Bijstand, a bin cu un actitud di ta superior ariba e yui di tera.

Pero den practica hopi di e "expertonan" aki a dal nan

dede formal, pasobra nan a bin topa cu yuinan di tera bon educa y profesional, cu hopi biaha mester a muestra e Hulandes con pa haci e trabao, siendo cu e yui di tera tabata haya un pago hopi mas abao, cu esun di e Hulandes.

Brinkman mester comprende cu awor Aruba kier sinta na mesa a base di igualdad, y no manera den tempo di colonialismo, pasobra Aruba mester a paga un prijs basta halto pa e ta awe unda e ta.

Te ainda Aruba ta leuw for di un bon desaroyo, cu un economia bon diversifica, pero cu e Gobierno nobo, cu si tin expertonan cu un bon vision ariba futuro, Aruba por yega mas leuw y si nos mes tin cu paga pa nos desaroyo, anto nos tambe kier bisa: "Wie betaald, Bepaald".

No ta tur ayudo cu nos haya for di Hulanda ta gratis y ta pesey, nos no por sigi guli tur cos manda abao, manera "Koek en Ei", KOM NOU!!!!

BIBA LEKKER A CABA!!!

